

Veliki oporavak turske privrede

17 Jan 2012 Izmijenjeno 08:33 CET

Turska privreda je ostvarila nevjerovatan oporavak od izbijanja globalne krize, uz privredni rast za 8,9 posto u 2010. i za 9,6 posto u prvih devet mjeseci 2011. godine



Istanbul: Broj nezaposlenih je smanjen za 447.000 [Getty]

Stopa nezaposlenosti u Turskoj je u tri mjeseca, zaključno s novembrom 2011. godine, pala na 9,1 posto, u odnosu na 11,2 posto koliko je iznosila u istom periodu 2010. godine, pokazuju zvanični podaci turskog zavoda za statistiku. Broj nezaposlenih je smanjen za 447.000, na 2,454 miliona, prenosi AFP.

Turska privreda je ostvarila nevjerovatan oporavak od izbijanja globalne krize, uz privredni rast za 8,9 posto u 2010. i za 9,6 posto u prvih devet mjeseci 2011. godine. Međutim, vlada je u oktobru prognozirala da će privredni rast u 2012. godini biti usporen na četiri posto, zbog krize eurozone. Nezaposlenost i dalje predstavlja najveći izazov u zemlji gdje mnogi mladi ljudi svake godine uvećavaju radnu snagu, a opadajući poljoprivredni sektor dovodi nekvalificirane radnike u urbana područja.

Vlada je u oktobru prognozirala da će privredni rast u 2012. godini biti usporen na četiri posto, zbog krize eurozone.

Stručnjaci kažu da ovi podaci ne odražavaju cjelokupnu sliku, zbog rasprostranjenosti neprijavljene ili prikrivene nezaposlenosti, ili zaposlenosti obrazovanih, kvalificiranih ljudi na najnižim radnim mjestima.

Posljednji podaci su bili zasnovani na ispitivanju 96.000 ljudi.

Izvor: Al Jazeera